# Universal Declaration of Human Rights - Krio

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <a href="http://www.unicode.org/udhr">http://www.unicode.org/udhr</a>.

Τεnki Τεnki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashənal Kəmishən fə Dεmokrasi εn Yuman Rayt na dεm put dis Dεklareshən na wi yon Sa Lon languej dεm.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

Di Stetment Bot Di Rayt Den We olman na Di Wol Fo Get

Wetin Kam Bifo (Introdokshon)

Soso we if wi sabi ɛn gri se if ɔlman gɛt insɛf yon rɛspɛkt, i ikwal ɛn gɛt di sem rayt lɛk ɛni ɔda pɔsin ɔloba di wɔl, dɛn di wanol wɔ1 sɛf go gɛt fridɔm, jɔstis ɛn pis; as tiŋ dɛn we wikɛd pasmak dɔn apin bikɔs pipul dɛm nɔ wan fɔ gri se ɔlman ikwal.

Di tiŋ we di kɔmɔn man want pas ɔltin na di wɔl tide na fɔ mek ɛvribɔdi ebul fɔ se wetin i fil, ɔ tink bay aw tiŋ de bi, fɔ biliv wetin i want fɔ biliv ɛn gɛt bɛnifit frɔm ɔl wetin i nid, wit kolat.

If man fɔ liv wit kolat ɛn nɔ gɛt fɔ de fɛt fɔ in yon yon rayt, dɛn i impɔtant fɔ mek di lɔ protɛkt da rayt de;

Na semweso i gud fɔ lɛ kolat ɛn frɛnship de bitwin neshɔn ɛn neshɔn dɛn.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man σ uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di mεmba kɔntri dɛn na di Yunaytɛd Neshɔn dɔn gri fɔ jɔynan ɛn mek shɔ se dɛn go gɛt fridɔm, jɔstis ɛn pis sote go.

Fo mek dis wanwod ol wata oloba di wol, evribodi foondastand wetin den rayt en den fridom, jostis en pis yaso min.

so, lε wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oLoba di wol pipul den qo get fridom, jostis en pis.

Atikul Wan

evribodi bon fri en get in yon rayt, non wan no pas in kompin. Wi ol ebul fo tink en fenot wetin rayt en ron pantap dat wi fo sabi aw fo liv lek wan big famili.

Atikul Tu

evribodi fo get di sem rayt en fridom we dis stetment tok bot, no mata weda in na wetman ο blakman, man ο uman, bukman ο yu no sabi rid en rayt, poman ο moniman, kristien ο muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best divelop kontri na di wol.

Atikul Tri

Evribodi fo ebul fo liv in layf, fo fil fri ɛn fo fil sɛf se nobodi o natin no qo denja in layf.

Atikul Fo

Nəbədi nə fə mek in kəmpin in slev – dis, əɛnitiŋ sɛf we fiba am fə tap.

Atikul Fayv

Nɔbɔdi nɔ fɔ mek in kəmpin səfa bita wikεd pen na bədi ɔ shem sote i ləs da in yon yon rεspεkt.

Atikul Siks

ενribɔdi gɛt rayt fɔ mek pipul dɛn rɛspɛkt am as mɔtalman ɛnisay na di wɔl ɛn, sɛf, fɔ mek di lɔɛp am gɛt dis rɛspɛkt.

Atikul Sevin

evribodi ikwal en di lo fo ebul protekt eniwan wantem we oda pipul den na trit wan du am wetin in motalman rayt no gri foo if bad pipul se oda wan agens am.

Atikul Et

εvribɔdi we tink se dɛn dɔn go agens in rayt we dis stetmɛnt tɔk bɔt, fɔ ebul gɛt ɔl di εp we i nid frɔm εni kotos we gɛt pawa na in kɔntri.

Atikul Nayn

Nəbədi nə fə arɛst, jel ə drɛb ɛni pəsin kəmət na in yon kəntri jɛs bikɛs i fil fə du so.

Atikul Τεn

enibodi we den arest fo tin we i du agens di lo, fo get ful protekshon from Loya den we go tinap fo am na kotos.

Atikul Ilevin

- 1. ɛnibɔdi we dɛn kɛr go kot fɔ tiŋ we dɛn se i du agens di lɔ fɔ gɛt di rayt fɔ se in nɔ du da tiŋ de ɛn di kot fɔ biliv am. I go lɛf wit di kot naw fɔ pruv se i du am na pɔblik trayal usay insɛf go gɛt in yon Lɔya dɛn we go fɛt in kes fɔ am.
- 2. Nobodi no fo pas jojment se posin gilti o iponish da posin de fo lek big ofens we pas wetin i du  $\varepsilon$  sef, we notoofens insay in yon kontri ooda kontri den na di wol.

Atikul Twelv

Nɔbɔdi nɔ gɛt rayt fɔ intafia as i lɛk wit ɔda pɔsin in kolat, in fambul, in om ɛn in lɛta dɛn we ɔda pipul rayt to am, ɔ ivin tray fɔ pwɛl in gudnɛm ɔ in rɛspɛkt. Di lɔ fɔ protɛkt ɛvribɔdi fɔ dɛn kanaba molɛsteshɔn yaso.

Atikul Totin

- 1. Evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri oeniwan pan di kontri den na di Yunayted Neshon en ton bak kam na in yon kontri we i pliz.
- 2. [Missing?]

Atikul Fotin

- 1. Enibodi we tink se in layf de pan denja get di rayt fo aks mek den alaw am, en in fo get da pamishon de fo tap na eni oda kontri na di wol. Bot, if di rizin we mek da posin de wan komot na in kontri go tap odasay no get natin fo du with politiks, o na tin we di Yunayted Neshon stetment de agens, den i no go get da rayt de.
- 2. [Missing?]

Atikul Fiftin

- 1. ενribɔdi gεt rayt fɔ gεt wan kɔntri we i go kɔl in yon.
- 2. Nɔbɔdi nɔ gɛt rayt, jɛs bikɔs i fil so, fɔ, mek sɔmbɔdi nɔ ebul fɔ kɔl in kɔntri in yon igen, ɛn, pantap dat, nɔbɔdi nɔ gɛt da pawa de fɔ tap ɛnibɔdi we want fɔ chenj di kɔntri we i go kɔl in yon.

Atikul Sikstin

- 1. εNi man εn uman we dɔn ɔfej, no mata if dɛn tu nɔ to di sem trayb, kɔla ɔ rilijɔn, gɛt di rayt fɔ mared, bɔn pikin εn bigin dɛn yon famili. Dɛn fɔ gɛt di sem rayt as maredman εn mareduman, ivin if di mared brok sɛf.
- 2. Fo mek di mared get minin, di man en di uman fo no plen wan wetin den de du en den fo gri fo bi man en wef.
- 3. [Missing?]

Atikul Sevintin

- 1. evibodi get rayt fo get propati fo insef o fo joyn wit oda pipul den en get di propati.
- 2. Nəbədi nə fə tek eni pəsin in yon prəpati kəmət na in an we i jes fil nəmə fə du so.

Atikul Etin

evibodi get rayt fo tink aw i want, fil aw i want bot enitin we de apin enisay, en joyn eni grup o choch oeni oda God wok fo prez God di we i fil, igen sef, i fri fo chenj in grup o choch en ivin di we aw i fil bot God; pantap dat, i fri fo woship in wangren o wit oda pipul den na poblik o prayvet.

Atikul Nayntin

evribodi get rayt fo tink wetin i fil en fo se wetin i fil. Dis min igen se nobodi no fo ambogin eni oda posin bikos of wetin i fil o biliv. I get di raty fo sho, tok bot, fala o ivin tich wetin i biliv to oda posin den, ilek usay o uskayn we i pas di wod.

Atikul Twenti

- 1. εvribədi fri fə bi mεmba əf εni grup we i chuz wans nəmə den nə de du εnitiη de fə briη ambəg ə trəbul na di kəntri.
- 2. Nəbədi nə fə fos ɛni pəsin fə jəny ɛni grup we i nə want fə jəyn.

Atikul Twenti Wan

1. εvribɔdi gɛt rayt fɔ du wetin i ebul du fɔɛp di gɔvamɛnt ɔf in kɔntri. I kin du dis if i wok wit di gɔvamɛnt ɔ if i vot fɔ pipul dɛn we go wok wit di gɔvamɛnt.

- 2. Evribodi get di sem rayt fo yuz ol govament propati we de fo di poblik.
- 3. Wetin di pipul den want nain di govament fo du. Di pipul den go sho wetin den want we den wan we don big du fo vot go vot na jenaral ilekshon from tem to tem. Nobodi no fo fos den, nobodi no fo tap den fo fri fo vot usay nobodi no go si den, en fo udat den want.

## Atikul Twenti Tu

evribodi get rayt foekspekt in kontri fo protekt am en gi am chans fo divelop insef enisay en bi sombdi wit respekt en we go ebul insef pan wok o biznes o stodi te in kontri kin si am as wan posin we fo abop pan.

#### Atikul Twenti Tri

- 1. Evribodi get rayt fo wok, fo du di wok we i lek en fo get gud pe fo di wok we i de du.
- 2. Evribodi fo get di sem pe fo di sem wok.
- 3. Evribodi we de wok get rayt fo get di kayn pe we go mek in en in famili ebul fo liv lek nomal motalman den, en if i posibul sef, den kin get oda kayn ep fo mek layf bete fo den.
- 4. Evribodi get rayt fo form tred Yunion o joyn an as wokman o wokuman fo mek nobodi no tinap pan den rayt na di wokples.

#### Atikul Twenti Fo

evribodi get rayt fo rest en rilaks in bodi, insay dat, den fo rest afta den don wok don evride. Pantap dat, den fo get tem we den go go olide (evri ia liv) en get den pe fo da liv tem de.

## Atikul Twenti Fayv

- 1. Evibodi get rayt fo liv di kaynaba layf we go mek in en in famili den no sik, i fo ebul get tin fo it, klos, os, meresin en i fo ebul abop se if tin bad fo am na layf, leke i sik, in patna o pikin sik, i lef wok, day mit am o i kam ol tumos, i go get ep from di govament.
- 2. Lili pikin εn mami we gεt pikin gεt rayt fɔ gεt spɛshal εp εn dis εp nɔ fɔ difrɛn ivin if nɔtɔ di maredwɛf bɛn di pikin. Maredwɛf pikin εn switat pikin fɔ gɛt di sem tritmɛnt εn bɛnifit ɔlsay.

### Atikul Twenti Siks

- 1. ɛvribɔdi gɛt rayt fɔ gɛt ɛdyukeshɔn; ɛlimɛntri ɛn praymari fɔ bi fri, ɛn ɛlimɛntri ɛn praymari ɛdyukeshɔn fɔ bi bay fos, bay kɔmpɛl. ɛnibɔdi we want, kin gɛt di kayn ɛdukeshɔn we go tren am fɔ spɛshal jab dɛn. Yunivasiti ɛdyukeshɔn go de fɔɛnibɔdi we want am, ɛn we fit fɔ gɛt am.
- 2. ɛdyukeshɔn go tren di lana fɔ gro fɔ rɛspɛkt di rayt ɛn fridɔm we ɔda pipul dɛn gɛt. I go mek pipul dɛn ebul fɔ liv togɛda nɔ mata wɛda dɛn de na di sem kɔntri ɔ sɔm bi frɔm ɔda kɔntri, wɛda dɛn gɛt di sem kɔla ɔ dɛn ivin jɔyn di sem rilijɔn; dis go ɛp mek di Yunaytɛd Neshɔn dɛn wok fɔ gɛt pis ɛn kolat ɔlsay na di wɔl izi.
- 3. Na di mami en di dadi fo disayd uskayn edyukeshon den pikin fo get; if den no ebul o den no de, den, oda posin kin du am.

## Atikul Twenti Sevin

1. ɛvribɔdi gɛt rayt fɔ tek pat pan ɔl dɛn kaynaba aktiviti we blant in kɔntri lɛkɛ di siŋɛn dans, di dresin ɛn di pichɔ drɔin dɛn we de sho tiŋ dɛn bɔt in kɔntri. I gɛt di rayt igen sɛf fɔ tek pat ɛn bɛnifit frɔm di gud tiŋs dɛn we sayɛns dɔn briŋ kam na in kɔntri.

2. Evribodi qet rayt fo kip en enjoy as in yon enitin we insef fenot, du o rayt insay sayeens, raytin drama ple aktin.

## Atikul Twenti Et

evribodi get rayt fo benifit from grup we get pawa oloba di wol fo mek sho se evribodi go enjoy den rayt en fridom den we dis stetment tok bot.

## Atikul Twenti Nayn

- 1. Evribodi get in yon wok we in fo du na in sosayti fo mek sho se i go liv api en ful layf insay de.
- 2. We posin de tray foenjoy in rayt den en in fridom den na sosayti, i fo memba se di lo de fo mek sho se i memba se oda posin densef get den yon rayt en fridom we i fo respekt so dat oda en kolat go de olobot (olsay).
- 3. Den rayt en fridom den ya we de na dis stetment we komot na Yunayted Neshon na fo mek pipul den get pis en kolat na den kontri. Nobodi no fo tray fo mek pipul den fo get oda tiŋ pas dat.

#### Atikul Tati

Natin no de insay pan den stetment yaso we min bad foeni posin o grup of posin insay eni kontri so, mek nobodi no fil dat.